

مجموعہ سنون

۱۲

جمعیت علمیہ عثمانیہ

برنجی پستہ

شوال

نومرو ۱۰

استانبول

جمعیت علمیہ عثمانیہ مطبعہ سندیہ طبع اولیٰ منشدر

۱۲۷۹

انگلترہ

انگلترہ سواحلہ لندن امر یقادیہ جنوبا ولزہ اسلحہ و سائر
 مہمات حربیہ نقل اولدیغی جہتله بو حرکتک اصول بیطرفیہ
 مغایر اولدیغی بیانیله شماللول طرفدن اعتراض وقوعبولمش
 وبویابده انگلترہ دولتی طرفندن وریلان جوابده تبارک استدکلی
 محالہ اسلحہ و مہمات حربیہ نقل ایتملی انگلترہ قوانینی
 اقتضاسیجہ منع اولنہ میہجفی بیان قلمشیدی . بونک اوزرینہ
 شماللول اشبو اسلحہ نقلنک منعی ضمنده مخصوص سفائن
 تعین ایدرک امر یقادیہ کیدن بالجمعلہ انگلیز کیملی حقندہ یوقلمہ
 اجراستہ مبادرت ایدوب بوکادخی قاعدہ حقلملی اولدیغی درکار
 ایسده مؤخرأ امر یقادیہ محال سائرہ سنہ عزیمت ایدن
 و دروننده لوازم حربیہ دن هیچ برشی بولنمیان بر طاقم انگلیز
 کیملرینی دخی بعض بہانہلرله اخذ و توقیف ایتملیله بو کیفیت
 طرفین بیننده زیادہ رودتی مستلزم اولمش و حتی حربی نتیج
 اولہجفی دخی پختلردہ شیوعبولمشدر .

لہستان

لہستان اختلائنک دوامی کرک روسیہ و کرک عموما
 اوروپا حقندہ مضر اولہجغندن شو مسئلہ نک بر صورت مناسبہ
 ایله حل و تسویہ سی ضمنده فرانسد و انگلترہ و اوستریا دولتملی
 طرفندن روسیہ دولتنہ بعض تبلیغات دوستانہ اجرا قلمش
 و دولت مشارالیمہانک بویابده ویردیکی جواب هنوز عامہجہ

معلوم دكل ايسده ده تبليغات مذكوره نك بر حسن تأثيرى
اوله ميه جغى ملحوظ بولمشدن . لهستان عصا شدن مائس
ابتداسنه قدر دائره اطاعته كير نلرك جرايم سابقه سى عفو
اولد جغى بكنلرده روسيه دولتى طرفندن اعلان قلمنش ايسده ده
غزته نلرك بيانته كوره كروه عصاة بوكا يناسمى قدن بشقه
اتش اختلال كند بكنه كسب اشتعال ايتكده در .

لهستانده بولان روسيه جزالى برغ معبشده اولان عسكرا
مقاومت ايده ميه جكنى فهم ايدرك كند وسنه مقدار كافى امداد
كوندرلد يكي حالده استغفايه مجبور اولديغنى پترسبورغه
اشعار ايتلشدن . لهلول طرفندن بودفعه عموما اوروپا
اهاليه نه خطاباً نشر اولان بر قطعه اعلاننامه ده مسئله
حاضره ده اورپا دولتلرى تو سط نك لازم ولايد اولديغى وروسيه
عساكر نك لهلول حقنده نه درجه مظالم و تعديات ارتكاب
ايتدكلرى بسط و بيان قلمشدر .

اسوج ونوروج دولتى لهلول حقنده سائر اوروپا دولتلرندن
زياده مساعد كونرينوب شوا شده بعض تدابير حريه ميه دخی
نشت ايتلش اولديغندن روسيه دولتى طرفندن بويابده دولت
مشار اليها دن توضيحات طلب اولمى اولديغى مرويدر .

بعض غزته نلرك افاده سنه كوره اسوج واسپانيا و پورتگيز
وايتاليا دولتلر يله اسويچره حكومتى دخی فرانسه وانكلتره واوستريا
دولتلرى مثالو لهستان مسئله سى حقنده روسيه ميه تبليغات
اجرا ايتلش و بوضورتده همان عموما اوروپا نك مسئله مذكوره
حقنده متعدد افكار ديمك اولديغى جهته روسيه دولتى بويابده
عدم مبالاة كو ستره ميه جكى ملحوظدر .

ممالك مجتمعة امر بقا

جنوب بلورله شماللور بيننده محاربه دزام ايدوب مصادمات وقوعی
 دخی آکسک دکل ايسده بوکونارده باشلوجه برشی یوقدر . فقط
 جنوب طرفنده خط وغلا ظهور ايدوب ارزاق و ذخائر يك فاحش
 بهايه چي قمش و امتعه و اشيا فيثاتی دخی بونسيته ترقی ايلشدر .
 حتی بعضی محارده بموق زراعتی منع اولوب ذخائر زرع اولنسی
 حقنده طرف حکومتدن تنبيهات اکيده اجرا و خلافي حرکتده
 بوانلرک شديداً تأديب اولنه جفی اعلان قلمشدر . شمال
 طرفنده عموم اهالی بالجملة اوروپا دولتلری و بالخصوص انکتره
 دولتی عليهنده اولوب حتی بعضلری انکتره ايله بالکلیه قطع
 مناسبات اولنسی اقتضایده چکی افکارنده در . انکتره ايله
 امر بوانلرک خصوصتی یکی برشی اولوب باخصوص بودفعه
 انکلیز لک جنوبلور حقنده بعضی مرتبه مساعد کورنسی
 و بالاده ذکر اولندیعی اوزره انکتره دن اورایه اسلحه نقل اولنسی
 مادهلری دخی برقاتدها تشدید ايلشدر . مقدا امریقا تیمور
 یوللرینک کمال انتظامی هیچ برملکت تیمور یولنه مقبس دکل ایکن
 الیوم يك فنا حالده بواندرق سرعتی ساعتده ارن میلله تنزل
 ایتش و عربله ر دخی اولکی حولهلرینک انجق نصفی نقل ایتکده
 بولنمشدر . اشبو یوللرک مرور ایتدکلری محارده اورمانلرک کثرتی
 مناسبتله تعبیرلری غایت سهولتو ایکن قومایدهلرینک عدم
 اقتدارندن ناشی باقیله میوب کندیکه خراب اولمقده در . اتونک
 فیثاتی ايسده اوراق نقدیه به نسبتله بر قاج قات تزايد ايلشدر .

یونانستان

اوتونك خلغندن برومحلول بوانسان يونان قرالغى ايچون پك
 چوق ذوات تصور اولمش ايسده بعضيلرى قبولدن استنكاف
 ايدوب بعضيلرينك دخی انتخابنده پوليٲقه جه مخدور كورلديكندن
 بوماده شمدي يه قدر معلقده قالدیغی حالده نهایت بودفعه دانيارقه
 ولی عهدینك ابكنجی مخدومی پرنس كيلوم يورکی بعض اوروپا
 دولتری طرفندن تنسب وتكليف ويونان جمعیت ملیه سی جانبندن
 دخی قبول وتصدیق قلمشدر . پرنس مشارالیه هنوز كنچ اوله رق
 قانونا محدود اولان سن رشه واصل اولتجه قدر مناسب برذات
 ولی خكومت تعیین اولنه جقدر . قرال سابقك منسوب
 اولدیغی باویه را قرالی خاندانی يونان قرالغی حقندن حالا فراغت
 ایتامش وانتخاب اولسان پرنس مشارالیه ك پدري ايسه مخدومی
 ايچون قرالیت مذكوره یی قبولی باویه را خاندانك اولبابده ترك
 حقوق ایتسنه تعلیق ایلش اولغله بره مقدار اقه اعطا سیله
 خاندان مشارالیه ك الزامی ویا خود كیفیتك صورت آخرله
 تسویه سی متصور بولتمشدر . قرال جدیدی انده یه كتورمك
 اوزره يونانستانده اوچ ذاتدن مركب برقو مېسیون تشكيل
 اولنه رق دانيارقه ك پای تختی اولان قوپنهاق شهرینه اعزام
 قلمشدر . فقط باویه را خانداننه ترك حقوق ایتدیرمك واقتضاییدن
 ولی حكومت تعیین اولنق مسئله لری فیصلپذیر اولدقجه قرال
 مشارالیه ك انده یه عزیمتی غیره مولدر .

ایتالیا

پکن بیک سکز یوز التمش ایکی سنه سی نهایتنه قدر کوریلان
محاسبده ایتالیا دولتک اوچیوز یتش درت ملیون اچیغی
ظهور ایتش اولدیغندن هم بونی تسویه ایتک و همده امور مالیه
بر تحت رابطیه ادخال اولنجیه قدر مصارفات دولته مدار اولق
اوزره یکیدن یدی یوز ملیون فرانق استقراضنه و بونک نصفی
یوزده او توز نقصاننه ایتالیا دن و نصف دیگر ی پارس ولوندره دن
اخذینه قرار ویرلشدر .

جنرال غاریبالدینک یاره سی مؤخرأ نکس ایدرک شو حال احباسنه
زیاده موجب خوف واضطراب اولمش ایسه ده مومی الیه قاپره را
جزیره سنه عودتندنبرو بعضی مرتبه کسب افاقت ایتشدر .